

کتابخانه

آدره من تبدیلندہ آریجہ
غروش کوندرملیدر .

مکتوبلرک امضاری واضح
واوقوناقلی اولسی وآبونه
صرہ نومروسی محتوی
بولونسی لازمدر

ممالک اجنبیہ ایچون آبونه
اولانلرک آدرسارینک
فرانسزجہ یازلسی رجا اولنور .

یادہ کوندردیکی زمان نہیہ
داثر اولدینی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد حاکف

والله یهدی من یشاء الی صراط مستقیم

آبونه شرائطی : هریر ایچون
سنه لکی (۴۰۰) آلتی ایلمی
(۲۲۵) ممالک اجنبیہ ایچون
سنه لکی (۴۵۰) ، آلتی آیلمی
(۲۵۰) غروشدر .

نسخه سی ۷,۵ غروشدر .
سنه لکی ۵۲ عدددر .

اداره خانه : باب عالی جاده سندہ
رشید اقتدی خاندہ

اخطارات
آبونه بدلی پشیندر .

مسلكه موافق آثار مع الممنونیه
قبول اولنور . درج ایدلمه یین
یازیلر اعاده اولماز .

ارف علما و منتخب تالیاتك اسرمامانی

اوف قضای علماسیله منتجب تالیات طرفدن تورکیا جمهوریتی ریاست جلیله سنه آتیده کی تلفرافك چکیلدیکی اوفدن اداره خانه مزه بیلدیریشدر :

آنقره نورکیه جمهوریتی ریاست جلیله سنه ، صورتی هیئت وکیلیر

توحید تدریسات قانونی موجبجه بریان امر اوزرینه قضا مزده اصحاب خیرات طرفدن انشا و علما طرفدن حسبی اداره ایدیلن یتیم اوج مدرسه تماماً سد ایدلدی . فقط کشادی وعد بیوریلان امام ، خطیب مکتبلری هنوز آجیلما ی . شوخالده تحصیلده بولتان بیکی متجاوز طلبه میداند قالدینی کی سنه آتییه ترک یدیلده جک طلبه تحصیلده دکلدر دییه رک سوقلری لازم کلدیکندن احتیاجات دینه مزدن اولان علوم دینه مزك کوکندن قالدیریله جنی آ کلاشیلور . حمد اولسون بز مسلمانز، حکومت مزده اسلام حکومتیدر . دینز ایچون جانمزی ، مالمزی فدا ایدیلرده نر . دینسز بر کون یشامانی آرزو ایتمین بو ملته امور دینه سنی اوکرده جک عالم ، امام ، خطیب لازمدر . ممالک اجنیه ده کی اسلامله بیله عالم ، مرشد یتشدرین اوف قضاسنک مدارس موجوده سی اصلاح ایدیلنجه یه قدر کالاول صنف امتحانلرینک اجراسیله تحصیلده دوام ایتدیرلسنی استرحام ایلرز .

مهمهده حفظ قرآن مجملری !

توحید افکار رفیق مزده اوقونمشدر :

قونیهدن موثوق الکلم محترم برذات مطبعه مزه یازیور : « مقدما ، حافظ یتشدریمک اوزره (قونیه) ده تأسیس ایدیلش اولان (دارالحفاظ) معارف و کالتنک اسرله سد ایدیلش ، بونک اوزرینه حافظلر جامع شریفده حفظ قرآن درسنه باشلامشدری . بونی خبر آلان معارف مفتشی ، درس اناسنده جامع کیده رک حافظلر حقیقه حفظ قرآن درسنه دوام ایتکده اولدقینی کورمش و بونک اوزرینه حافظلری « جرم مشهود » حالنده یاقه لادینی مبین برابور قلمه آلوب مافوقنه تقدیم ایتشدر . »

حفظه چالیشانلری جرم مشهود حالنده یاقالایان سابقا پولیس مفتشی اولماسی محتمل - معارف مفتشی بوغیرته مکافاة بدرجه ترفیع ایدله دیمی عجا ؟

(لایق) برحکومت تأسیس ایتدیکمزی ادعا ایلده دیکمزه و (لایق) لنگ ایسه کیمسه نک وجدانه ، دین و ایمانه قاریشماق دیمک اولدینی سویلدیکمزه نظراً (قونیه) ده کی معارف مفتشنک جامعده فقط قرآن چالیشانلری نه حقله یاقالادینی و نه صلاحیتله طلبه نک « جرم مشهود » حالنده حفظ قرآن ایلده دکلرینی مبین راپور قلمه آلهرق مافوقنه تقدیم ایلده دیکنی صورمه حقمز یوقی ؟

بعض آثار و طنپورانه یی اوقویانلره قارشى دور استبداده بویه جرم مشهود حالنده ینه زورناللر ویریلر و اوژورناللره سلطان حمید طرفدن احسانلره مقابله ایدیلدی . او اسکی زورنالچلیق اصوائی آکدیران بوحادثه قارشوسنده (لایق) معارف وکیلنک نه یایدینی ، معارف مدیرینی تجزیه ایدوب ایتهدیکنی صورمه حقمز یوقی ؟

شهزاده باشی : اوقاف اسلامی مطبعه سی

و نراهه دعوتله بر مدتدنبری کیتکده اولدیغمز یا کلش اجتماعاتک تصحیحنه اک زیاده خدمت ایدو جک قسم مطبوعاندر .

مطبوعات نراحت و عفت ملییه نه درجه حرمت کوستررسه اوقدر اجتماعی ته لککک اوتکده چکیلمش اولور . اجتماعی فسالقلرک ازاله سی ایچون بونک مطبوعات قدر مؤثر هانکی واسطه اجتماعی دارد ؟ بونکونکی سقوط اخلاقینک عواملی میاننده اک بویوک حصه مسئولیت مطبوعانه ترتیب ایتکده در . بر مسئولیتدن اکثریت اعتباریله مطبوعات برمییه مزده مستغنی قاله ماز . مسلمان قالدیلرینی - کبار فحش یا باقلری اولان - بارلره کیتمه یه ، ارککلرله دانس ایتمه یه ، صحنه لره چیقارتهرق آقتریسلاک ایتدیرمه یه ، سینمه مالرده ، تیارولرده ارککلرله دیز دیزه اوطورتمه یه تشویق ایدن مطبوعات یومیه مز دکلدر ؟ بو خصوصده بلکه مسئولیتلرک اک بویوک حصه سی اقشام غزته سنه طائد اولسه کرکدر . اقشام غزته سننک یازدینی حکایه لر مزاحی غزته لک عفت شکنه نه نشریاتندن پک فرقلی دکلدر . مع مافیه اقشام غزته سننک کچده اولسه ، حق و حقیقه طرفدار اولمسی شایان تقدیردر . فالج رفقی بکک بومقاله سنه ، بعضلرینک ذاهب اولدینی کی ، برسیاسی بر طاقم سوانقده آرایه جنی دکاز . بز بونی صمیمی اولهرق قبول ایدیورز . و بوتون محررلرکده صمیمی اولهرق کمال اهمیتله نظر دقته آلملرینی تمی ایدیورز .

اهمزه مدینک انراهنه قارشى سیرجی قانله بیلیرمی ؟

اقدام فزته سنک باش محرری احمد جودت بک یازیور :

« بر مملکتک ، بر ملتک معناً یوکسلمه سنه خدمت ایدلر ، او ملت و مملکتک علماسی ، ادباسیدر . بتون ممالک متدنده کورولمشدرکه علم و قلم صاحبلری هیئت اجتماعی معناً اصلاحه لزوم کوردکلری زمان مؤلفات ایله خلقک سویه سنی یوکسلتمک ، ذهنلرده اجتماعی انقلاب وجوده کتیرمک موفق اولمشلردر .

شمدی بزم مملکتمز ایچونده علما و ادباتک خدمتبه پک بیوک احتیاج کوریلدیور . سویه معنویه جه یوکسلتمک خلق محتاجدر . چونکه او سویه یی بر طاقم حادثات تضییق ایتکده باشلامشدر . بوکا نشریاتده لایبالیکده سبب اولویور . رسملر اوستنه توك دیکور . سینمه مالرک فنا فیلملری ضربه سی ده جابا . . . اخلاق عمومیه مزده آشاغییه طوغری بر تبدل وارد . بوکا تأثیر ایدمک چاره لردن بری ، اخلاق و سجه نک مجراسنی چویره جک اثرلدر . مملکتک تنویره ، بوزمانده کی احتیاجی قدر ، هیچ بر زمان احتیاج کوروله مشدر . بز احوال عمومیه مزه باقنجه بواحتیاجی چوق ایی حس ایدیورز . خلق ده آرتق وقتلرینی خفیف شیلرک مطالعه سنه حصر ایدیورلر ، و خفیف شیلردن خوشلانیلورلر . بو ، نه قدر تأسف ایدیلده جک بر شیدر ، ایچنده بولندیغمز وقایع ، بزه آتی نک اهمیتنی کوسترمکده در . بوقدر هم بر موقعی بولتان تورک خلقنی چوق تنویر ایتک اقتضا ایدر . بز عموماً باشقه بر تربیه محتاجز .

بناء علیه بر طرفدن ارباب قلم ، دیگر طرفدن علما و فضلا و متخصصین ، هیئت اجتماعی مزك محتاج اولدینی مسائل مادیه و معنویه یی مقاله لرله ، رساله لر ایله تمهید ایتیلدرلر . راحت راحت سیرجی اولهرق اوطورمق اوله ماز . »